



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

Nvm. 4. Mores Precopensium.

urn:nbn:de:hbz:466:1-13167

vndecim gradus cum dimidio, igitur millaria 661. leucas Francicas 330 $\frac{1}{2}$ Germanicas 165 $\frac{1}{4}$, Russica Vorest 880.

Latitudo autem à Pro. Famar, in extrema Peninsulâ ad minoris Tanaïs Septentrionalem flexum, dat magni circuli sex totos gradus, ideoque 360. millaria, leucas nostrates 180. Germanicas 90. Russica Vorest 480.

N v M. 3. Qualitas.

TOTA hæc regio feracissima, etiam extra Tauricam licet vulgo parùm colatur. Quinquagesima frumenti ab aruis exigitur, centesima milij. Equos alit paruos & deformes, sed fortissimos, laborisque & inediæ patientissimos, videlicet vescuntur sæpè tantum herbis, & frondibus, immo & radicibus quas vngulis scalpunt. Boues hîc prægrandes, & pingues ob læta pascua, & potissimum circa Borysthenem, quem Fluuium aiunt melle, & lacte fluere: melle quidem, quia ex melliferâ regione prouenit, lacte autem quia versus mare pascuis insulæ distinguitur. Populosa est in primis Tartaria, quoniam hîc plures vxores ducuntur. Certè unus memoratur in Historia 40. liberos eodem anno ex variis coniugibus suscepisse.

N v M. 4. Mores.

PATIENTISSIMI sunt laboris, viuunt sine luxu in vestibus, in mensâ; plerumque triduo abstinent à cibo, & potu: tum se cibo sic ingurgitant ut triduo dormiant. In itinere venas equis incident, & sanguinem exsugunt, idque putant animantibus vtile. Capita equorum in deliciis ponunt. In bello dum fugiunt maximè cauendi sunt, nam tela à tergo peritè vibrant. Dum pugnant ita se in equo contorquent, ut certis numquam pateant ictibus. Vruntur in viâ stellâ polari: in eodem loco diu non consistunt, immo & hoc inimicis imprecantur, ut diu in eodē loco viuant quemadmodum Christiani. Captiuos Polonus vendunt Turcis, aut sibi mancipia retinent, virgines sibi reseruant, sunt enim supramodum libidinosi: seniores, & inutiles telis iuuenum conficiendos obiiciunt, decollandos ferro, lapidibus obruendos; is enim est iuuentutis ludus. Semiuiui etiam calcibus, & dentibus pugnant, &

tum maximè timendi cùm expirant. Iustitia apud eos nulla; cùm quis accusatur furti respondet se eā re quam furatus est indiguisse; tum Iudex, tu similiter furi rape cùm indigeris. Homicida omnibus bonis spoliatur; dat tamen ei iudex vilem equum, & arcum, monētque ut rem suam curet. Terram colere putant opus indignum homine: quid igitur agunt? expoliunt arma, expeditiones meditantur. Lacte equino libentiū vtuntur, purant enim impinguare. Qui vinum biberit fustuatio mulctatur. Numquam ad currum equos religant, sed boues; idque turpissimum iudicant. Aut in curribus degunt, aut in mapalibus raptim excitatis. Nemo vestis genus mutare audet, probè epim fustibus cæditur qui in alienum cultum degenerauerit. A adulterium punitur morte. Pueri Arabicè discunt, vt Alcoranum intelligent. Si sponsa aut sponsus non consummato matrimonio moriuntur, ridiculis ceremoniis efferuntur. Terrâ mortuos suos obruunt, cùm plerique Tartari alter eos sepeliant.

N V M. 5. *Religio.*

Si quam Religionem sequuntur Mahumeti sectæ addicti sunt, plerique enim Tartarorum Athei, omniaque ad voluptatem corporis referunt. Hic tamen plerique Christiani cum suo Episcopo, quorum duæ pulcherrimæ Ecclesiæ Caffæ. Hic etiam Armeni, & Iudæi suis legibus viuunt.

N V M. 6. *Politia.*

VNVS hic Princeps rerum potitur dictus *Kan*, seu *Han*, hoc est Rex, Latinè *Caganus*, aliter *Czar*, hoc est *Cæsar*, aut Imperator, cui semper adiicitur proprium nomen, hoc modo *Abdilkiray Kan*. Is filium aut fratrem successorem eligit, quem *Galza* nominat. Qui orti sunt ex familiâ Regiâ dicuntur *Vlanî*, filij Principis *Sultani*. Primum aiunt quidam vocatum esse *Lochtone*, aliij *Vlanum* quem ex virginе natum fabulantur. Solet hic Princeps educere equitum 120. millia, & Circassis aliisque vicinis coniunctus, 200. millia. Facile transmittunt fluuios equis suis, ad quorum caudas religant arborum ramos implexos, quibus supellestilem imponunt. Si latior fuerit amnis, aut æstuarium viliores maestant equos, & ex eorum

Hh ij